



Rabu, 21 September 2022

Ogen: 1 Petrus 2:9-10



Anak-anak Dibata



Tupung kita erdalan sangana ka udan wari, rembang kita jumpa duit erga 100 ribu si nggo kotor kena becek, litap ka. Penungkunenna, ibuatndu nge sen e ntah lang? Engkai maka ibuatndu aminna pe ia kotor? Jababna e me: erkiteken nilai duit kertas e labo i bas tampilen fisikna tapi kai si terkandung i bas duit e e me selaku mata uang ras alat pembayaran si sah. I bas pengogenta pe igambarken maka Jesus e batu persuki. Nilaina labo bali bagi batu si biasa si ipake i abs majekken rumah entah ergana bagi batu permata. Jesus e desken batu palas, janah batu si iambekken tukang. Tapi ibalik batu siambekken e, terkandung nilai batu si meherga si erbahanca kita jadi kalak si la meherga. Jesus me batu palas si enteguh, si erbahansa kita terkelin. Ijadien Dibata kita jadi bangsa pilihanNa, imam-imam Raja, bangsa sikerajangenNa ras jadi anak-anak Dibata erkiteken Jesus. Lit sura-sura Dibata i bas kerina peristiwa si inanami kita.

Si idah maka perbeben si lit i bas kita enda sifatna temporal (sementara), tapi kuasa ras pengarak-pengarak Dibata e permanen (tetap). Lit kuasa ras pemasu-masun Dibata i bas tep-tep pebeben si terjadi i bas geluhta. Sada ngenca tugasta e me selaku anak-anak Dibata kita mpembincarken terang Dibata ku tengah-tengah doni enda gelah kegelapen si lit i bas doni enda banci lesap. Janah kerina doni enda iterangi alu terang Dibata. Tentu si enda labo sada pendahin si nukah tapi tetaplah si perjuangkan. Kita erdahin mpembarken Kata Dibata e, si erbahansa kalak tek man baNa e pendahin Kesah si Badia. Kita anak-anakNa ngelakoken ras ndalanken persuruhanNa. Ola aru ateta i bas ndahikensa. Jagalah terang Dibata i bas kita gelah ula masap janah kita pe terisap ku bas gelap. *Hidup dalam terang kebangkitan berarti hidup sebagai orang yang berharap mampu melihat 'plus' di tengah 'minus', kebesaran dan kemuliaan di tengah penderitaan.* (Paul Schutz)

